

LG-History

उपराज्यपाल मनोज सिन्हा होरें आखेआ जे भारत दियां प्राचीन ज्ञान प्रणालियें गी मुखधारा आहली शिक्षा दा महत्वै आहला हिस्सा होना लोडचदा। उनें लेखकें अगे आह्वान कीता जे ओह् अतीत च खराब कीते गेदे इतिहास गी परतिये लिखन। श्री सिन्हा होरें जोर देइयै आखेआ जे जियां-जियां भारत आर्थिक सांस्कृतिक ते वैज्ञानिक पुनर्जागरण दा गवाह बना करदा ऐ, औने आहिलियें पीढ़ियें गी दस्सेआ जाना लोडचदा ऐ जे प्राचीन भारत विश्व सभ्यता ते संस्कृति दा अगुवा हा। उपराज्यपाल होरें एह् गल्ल शेर-ए-कश्मीर अंतरराष्ट्रीय सम्मेलन केंद्र च भारती राश्ट्री पुस्तक न्यास एन.बी.टी आसेआ आयोजित 7 दिनें आहले चिनार पुस्तक महोत्सव दे उद्घाटन समारोह गी संबोधित करदे होई आक्खी।

<><><><><><>

JK-Excavation

कश्मीर घाटी दे अनंतनाग जिले च इक टकोहदी पुरतात्विक खोज दरान नेकें शिवलिंग सने हिंदु देवी- देवताएं दियां मूर्तियां थोइयां ना। एह् मूर्तियां ऐशमुकाम च सालिया इलाके दे करकूट नाग च चला करदे इक्क झरने दी खुदाई दे कम्म दरान सामने आइयां ना। लोक निर्माण विभाग पीडब्ल्यूडी दी इक परियोजना तैहत कम्म करा करदे मकामी मजदूरें देवताएं दियां नक्काशीदार पत्थर दिएं शिलाएं गी बरामद कीता। अभिलेखागार पुरातत्व ते अजायबघर मैहकमे दे अफसरें थाहरै दा दौरा लाया ते दस्सेआ जे बरामद कलाकृतियें गी वैज्ञानिक जांच लेई श्रीनगर भेजेआ जाग तां जे उंदी उम्र दा पता लाया जाई सकै। एह् थाहर कश्मीरी पंडितें लेई आध्यात्मिक तौरा पर महत्वै आहली ते ऐतिहासिक कार्कोटा राजवंश कन्नै जुड़ी दी ऐ।

<><><><><><>

Rana Altaf Education

मंत्री जावेद अहमद राणा ते सांसद मियांअ अल्ताफ अहमद होरें पुंछ दे मेंढर च इक निजी स्कूल दा उद्घाटन कीता। किट्टे गी संबोधित करदे होई दौनें लीडरें स्कूल दे नजरिये दी तरीफ कीती जेदे च धार्मिक शिक्षाएं गी आधुनिक वैज्ञानिक शिक्षा कन्नै रलाया गेआ ऐ। मंत्री राणा होरें इस गल्ला पर जोर पाया जे शिक्षा बदलाव लेयाने आहली होना लोडचदी नके रट्टू तरीके आहली। उनें पढ़ाई च लैंगिक बरोबरी दी पुरजोर वकालत कीती ते इक न्यायपूर्ण प्रगतिशील समाज दे निर्माण च कुडियं दी पढ़ाई दे असरदार प्रभाव गी बी उजागर कीता।

<><><><><><>

Har-Ghar Tiranga

हर घर तिरंगा अभियान कल जम्मू-कश्मीर दे सब्बने जिलें च देशभक्ति दी भावना ते जोश जज्वे कन्नै रम्भ होआ। 15 अगस्त तगर चलने आहले इस अभियान दा मकसद विद्यार्थियें च राश्ट्री गौरव ते एकता दी भावना गी बढावा देना ऐ। अभियान च शिक्षक ते विद्यार्थी राश्ट्र दी विरासत दा जश्न मनाने आस्तै बक्ख-बक्ख गतिविधियें च सक्रिय तौरा पर हिस्सा लै करदे ना।

<><><><><><>

Kishtwar Asp Block

किश्तवाड़ जिले दे अकांक्षी ब्लॉक मड़वा गी प्रतिष्ठित नीति आयोग सम्मान लेई चुनेआ गेआ ऐ। सम्मान भेंट करने दा कार्यक्रम अतरूं 4 अगस्त गी किश्तवाड़ दे ऐतिहासिक चौगान ग्राउंड च लगगोग। जनवरी 2023 च नीति आयोग आसेआ शुरू कीते गेदे अकांक्षी ब्लॉक कार्यक्रम दा मकसद मुखै दे बक्ख-बक्ख राज्यें ते केंद्र शासित प्रदेशें च ताले गेदे 500 ब्लॉकें च शासन ते मकामी जरूरतें ते लोकें दिएं आसें-तांगें मूजव उल्लू दे जीवन स्तरै गी उबड़ा चुक्कना ऐ। एह् कार्यक्रम जिनें 5एं प्रमुख विषे पर केंद्रित ऐ उन्दे च सेहत ते खुराक, शिक्षा, राई-बाई ते एह्दे नै जुडे दे दुए क्षेत्र बुनियादी ढांचा ते सामाजिक विकास शामिल ना। मड़वा गी एह् मानता थोना इलाके च होआ'रदी तरक्की ते एह्दी छमता दी सारत ऐ।

<><><><><><>

JMC-Clean Jammu

पर्यावरण दे संरक्षण आस्तै इक महत्वपूर्ण जत्त च जम्मू नगर निगम ते शैहरी जंगलात डिविजन 5 अगस्त गी बडुलै 9 बजे नरवाल दे एफ.आर.एम.सी परिसर च बड्डे पैमाने पर रूख-बूहटे लाने दा कार्यक्रम आयोजित करडन। एहू पैहल स्वच्छ जम्मू ग्रीन जम्मू मुहिम दा हिस्सा ऐ जेदा मकसद जपानी विधि मियावाकी दा इस्तेमाल करियै 10 ज्हार बूहटे लाना ऐ। जे.एम.सी कमिशनर डॉ. देवांश यादव होरें बसनीकें गी इस कार्यक्रम च हिस्सा लैने ते 'एक पेड़ मां के नाम' मुहिम तैहत इक बूहटा अपनी माताएं दे सम्मान च लाने आस्तै प्रोत्साहित कीता गेआ जेडा मां ते धरती मां दवें गी श्रद्धांजलि दे रूपा च कम्म करदा ऐ। पैहले शा गै 30 ज्हार बूहटे लाए जाने दे कन्नै स्वतंत्रता दिवस तगर कुल 60 ज्हार बूहटे लाने दा लक्ष्य हासल करना ऐ।

<><><><><><>

Padma-Awards

पद्म पुरस्कारें लेई नामांकन ते सफारशें दी खीरी तरीक 15 अगस्त तोहड़ी बधाई दित्ती गेई ऐ। पुरस्कारें लेई नामांकन छडे राष्ट्री पुरस्कार पोर्टल पर ऑनलाइन हासल कीते जाडन। बरें 2026 लेई पद्म पुरस्कारें दा ऐलान गणतंत्र दिवस, 2026 दे मौके उपपर कीता जाहग। एकडे पुरस्कारें च - पद्म विभूषण, पद्म भूषण ते पद्म श्री पुरस्कार शामिल न। एहू पुरस्कार विशिष्ट कम्में गी मान्यता प्रदान करने लेई सब्भनं खेत्तरें ते विशें च विशिष्ट ते असाधारण उपलब्धियें सने सेवा लेई दित्ता जं'दा ऐ।

<><><><><><>

Cricket

क्रिकेट च मेजबान इंगलैंड अज्ज लंदन दे ओवल च एंडरसन तेंदुलकर ट्रॉफी दे 5में ते खीरी टेस्ट मैच दे चौथे ध्याडे भारत खिलाफ अपनी दुई पारी दी शुरूआत करोग। मैच भारती समें मताबक साठ्ठे 3 बजे शुरू होग। भारत आसेआ निर्धारित 374 रन्जें दा पिच्छा करदे होई इंगलैंड नै कल त्रीए दिन दा खेडू मुक्कने तगर 1 विकट दे नुकसान पर 50 रन्ज बनाए दे हे।

<><><><><><>